

BERA DA

Leire García de Vicuña Alzola

Agurain

Gogorra, leuna,
latza;
iraunkorra, luzea,
motza.

Nahiz eta ez entzun,
badauka ahotsa.
Leku guztietan da
oso zorrotza.

Bera da eta izango da
denaren ardatza;
berak kontrolatzen du
erlojuaren orratza.

Azkarregia da ikusteko,
azkarregia gozatzeko;
sentitu, konturatu, gorde
eskuetatik alde ez egiteko.

Korri, harrapatu!
Esku artetik ihes egin du;
ezin da gelditu, ezin da:
arima propioa al du?

Luzea, iraunkorra,
amaierarik gabea;
motza, laburra,
iragankorra.

Bizitza.
Denbora.